



1. VOORSKRIFTE

1.1 ALGEMENE VOORSKRIFTE:

- 'n Deelnemer mag in een of meer kategorieë deelneem.
- 'n Deelnemer skryf in volgens skoolgraad, dit wil sê óf in graad 6, 7, 8, 9, 10, 11, 12 óf die ope afdeling (18-25 jaar; dui ouderdom aan).
- **NB! NB!** Dieselfde inskrywings mag NIE meer as een keer (jaar na jaar) vir die Internasionale Afrikaans-Ekspo ingeskryf word NIE. Dit moet oorspronklike werk wees wat nog nie voorheen ingeskryf is nie.
- Alle inskrywings moet die deelnemer se eie, selfstandige, unieke en nuwe werk wees.
- **LET WEL!** Die beoordelaars is onafhanklik van die FAK en hulle beslissings vir die finaliste en wenners is finaal en bindend en geen korrespondensie sal daarvoor gevoer word nie.

1.2 VOORSKRIFTE VIR DIE HANTERING VAN 'N INSKRYWING:

- Die resensies moet getik wees, met die volgende vereistes:
 - › Font: Calibri
 - › Lettergrootte: 12
 - › Spasiëring: 1½
 - › Kantlyne: 20 mm rondom
- Bo-aan jou werkstuk/inskriving moet die onderstaande inligting aangebring word. Die inskriving sal punte verloor indien nie hieraan voldoen word nie:
 - › Naam en van
 - › Graad/ouderdom
 - › Afrikaans eerste taal (huistaal) / Afrikaans tweede taal (addisionele taal)
 - › Kategorie: Resensie (film/boek/toneelstuk/CD)
 - › Titel
- Sien punt 3 in die Algemene Afdeling oor hoe om jou inskriving(s) in te dien.
- Heg die resensie in *pdf-formaat* aan.
- Indien meer as een inskriving vir hierdie kategorie ingeskryf word (bv. een leerder wat twee resensies skryf), moet elke inskriving apart ingestuur word, elk met 'n afsonderlike inskrywingsvorm.
- 'n Maksimum van DRIE INSKRYWINGS per kategorie per leerder word toegelaat. Geen ekstra inskrywings sal aanvaar word of beoordeel word nie. Kies die beste DRIE om in te skryf.
- Ons verkies dat geen handgeskrewe resensie ingestuur word nie. Die beoordelaar moet nie sukkel om dit te lees nie.

2. WENKE

- Word 'n boekwurm! Hoe meer jy lees, hoe makliker sal dit vir jou word om boekresensies te skryf. Vra jou vriende watter lekker boek hulle onlangs gelees het, of maak 'n draai in die biblioteek of 'n boekwinkel en soek oor dinge waarin jy regtig belang stel. Dis lekkerder om oor 'n boek te skryf waarvan jy gehou het!
- Moenie 'n resensie probeer skryf oor 'n boek wat jy nie gelees het nie of 'n film of toneelstuk wat jy nie gesien het nie of 'n CD waarna jy nie geluister het nie. Jy gaan beslis uitgevang word.
- Gee die gegewens van die boek/film/toneelstuk/CD (naam, skrywer/regisseur, uitgewer, prys, aantal bladsye, ens.)
- Jy kan iets van ander boeke/films/toneelstukke van die skrywer/regisseur sê.
- Vertel die verhaal in hooftrekke, maar moet nooit die einde gee nie.
- Dui die tema aan. Die tema is die sentrale gedagte of boodskap wat die boek/film/toneelstuk wil deurgee.
- Jy kan dit aanbeveel vir 'n betrokke ouderdomsgroep of liefhebbers van 'n spesifieke plek of aktiwiteit, bv. Die boek is 'n avontuurverhaal wat sal spreek tot avontuurlustige mense.
- Lewer ook kommentaar oor die skryfstyl, spanningslyn en karakterontwikkeling (by boeke) en die vertolking, spel, interpretasie, dekor en spesiale effekte (by films en toneelstukke).
- Besoek <https://www.fak.org.za/flink/> vir voorbeelde van resensies.

3. OPDRAG

Skryf 'n resensie oor enige Afrikaanse boek, Afrikaanse film, Afrikaanse toneelstuk of Afrikaanse CD wat jy onlangs gesien, geluister of na gekyk het. Hou die tema van die jaar in gedagte.

- Vir deelnemers met Afrikaans Huistaal of Afrikaans Eerste Addisionele Taal op skool.
- Vir leerders met Afrikaans as Huistaal:
 - > 100 tot 180 woorde vir graad 6 tot 9
 - > 180 tot 200 woorde vir graad 10 tot 12 en ope afdeling
- Vir leerders met Afrikaans as Eerste Addisionele Taal:
 - > 80 tot 120 woorde vir graad 6 tot 9
 - > 120 tot 150 woorde vir graad 10 tot 12 en ope afdeling
- Voorsien die resensie van 'n treffende **Afrikaanse titel**. Die woord "Resensie" is nie 'n titel nie.
- Skryf die **getal woorde** van die resensie onderaan die inskrywing.

BEOORDELING SAL NA AANLEIDING VAN DIE VOLGENDE GEDOEN WORD:

INHOUD ___ / 20	<ul style="list-style-type: none">• Is daar 'n duidelike tema?• Is die resensie onderwerpgerig?• Is genoegsame agtergrond ingewin?• Word die inhoud logies opgebou, m.a.w. het dit 'n inleiding en slot?
TEGNIËSE VERSORGING ___ / 20	<ul style="list-style-type: none">• Is die formaat van die resensie reg?• Is die resensie goed gestruktureer?• Is die teks taalversorg en die spelling foutloos?• Is goeie Afrikaans gebruik?• Het die resensie 'n titel en is dit treffend?
GEHEELINDRUK ___ / 10	<ul style="list-style-type: none">• Toon die leerder helder denke?• Is daar 'n duidelike boodskap?• Is dit 'n geslaagde aanbieding?• Is die onderwerp effektief? Sal dit aandag trek?• Gee die leerder 'n duidelike beoordelende mening?
TOTAAL uit 50